

**Inatsisartut Naalakkersuisullu pillugit Inatsisartut inatsaata
allannngortinneqarnissaanut Inatsisartut inatsisissaattut siunnersuut**
*(Aktieselskabit Namminersornerullutik Oqartussanit tamkkiisumik
ilaannakuusumilluuniit pigineqartut pillugit Inatsisartut
paasitinneqarssinnaatitaanerat)*

pillugu

Inatsisartut Inatsisit Atortinneqarnerannut ataatsimiititaliaata

Isumaliutissiissutaa

siunnersuutip aappassaaneernejarnerani saqqummiunneqartoq

Inatsisartut Inatsisit Atortinneqarnerannut Ataatsimiititaliaat sulliarinninnermini ukuninnga inuttaqarpoq:

Inatsisartunut ilaasortaq Olga P. Berthelsen, Inuit Ataqtigiit (siulittaasoq)
Inatsisartunut ilaasortaq Vittus Mikaelson, Siumut
Inatsisartunut ilaasortaq Agnethe Davidsen, Siumut
Inatsisartunut ilaasortaq Otto Jeremiassen, Siumut, sinniisussaq
Inatsisartunut ilaasortaq Lene Knüppel, Demokraatit
Inatsisartunut ilaasortaq Jens B. Frederiksen, Demokraatit, sinniisussaq
Inatsisartunut ilaasortaq Godmand Rasmussen, Atassut

1. Siunnersuutip tuniliaqutaa:

Landskarsip naatsorsuutaanut suliffeqarfinnullu nammineertitanut malittarisassat atuuttut malillugit Kukkuersuineranut Ataatsimiititaliaq kisimi paasissutissanik pissarsinnaatitaavoq. Aktieselskabillu Namminersornerullutik Oqartussanit pigineqartut Kukkuersuineranut Ataatsimiititaliap nakkutigisaannut ilaanngillat. Taamaattumik suliffeqarfiit pisortanit pigineqartut 90-ikkunni aktieselskabinngortiteneqarnerat ilutigalugu Namminersornerullutik Oqartussat naliliutai pillugit Inatsisartut paasissutissinneqartarnerat kigaatsumik annikilliarorsimavoq.

Inatsisartut aningaasaliisinnaassuseqarlutillu qanorlu atornejarnerusut nakkutigisinnaammattigit, 2000-imi ukiaanerani ataatsimiinnermi

Kukkunersuinermit ataatsimiititaliaq nalunaarusiamik saqqummiussa qarpoq, tassani ataatsimiititaliamit oqaatigine qarpoq tamat oqartussaaqataanerannut tunngavissarititaasunut nalinginnaasumik akuerineqartunut tamanna naapertuutinnngilluinnartoq. Tamanna tunngavigalugu Kukkunersuinermit Aataatsimiititaliap oqartussaassuseqarnerata annertusineqarnissaa Kukkunersuinermit Ataatsimiititaliamit ujartorneqarpoq. Ataatsimiititaliaq ukiaanerani 2001-imi ataatsimiinnermi ajornartorsiut taanna malitseqartillugu aalajangiiffigisassatut siunnersuummik saqqummiussivoq.

Kukkunersuinermit Ataatsimiititaliap aalajangiiffigisassatut siunnersuutaata suliarinerani Kukkunersuinermit Ataatsimiititaliap tunngaviusumik isummersuutaanut Inatsisartut tapersiippuat. Aktieselskabit Namminersornerullutik Oqartussanit pigineqartut ingerlanneqarneranni misilittakkat takutippaat, Namminersornerullutik Oqartussat aktie-nik piginnittutut soqutigisaasa aallunneqarnerat nukittorsarneqartariaqartoq, inatsisartoqarnikkut nakkutilliinerit pitsannngorsarneri kiisalu Naalakkersuisut aktietilittut isumaginninnerannut sinaakkutit pitsannngorsarneqarneri aqutagalugit.

Inatsisartut ukiaanerani 2004-imi ataatsimiinneranni Inatsisartut Naalakkersuisullu pillugit Inatsisartut inatsisaata kiisalu aktieselskabit Namminersornerullutik Oqartussanit tamakkiisumik imaluunniit ilaannakuusumilluunniit pigineqartut pillugit Inatsisartut paasitinneqarsinnaatitaanerata pillugu (UPA 2004/51) allangortinneqarnerannik Inatsisartut inatsisissaattut siunnersuutit Kukkunersuinermit ataatsimiititaliaq annertunerusumik malitseqartitsilluni saqqummiussivoq.

Inatsisartut Naalakkersuisullu pillugit Inatsisartut inatsisaata sukumiinerusumik nutarterneqarnissaata pisariaqassusaa nassuerutigalugu, Inatsisartut ukiaanerani 2004-imi ataatsimiinnermi Inatsisartut Naalakkersuisullu pillugit Inatsisartut inatsisaannut siunnersuusiortussanik suleqatigiissitamik suliaqartussamik pilersitsinissaq aalajangiuppaat. Suleqatigiissitap suliaqartussanik aalajangersarneqarput, UPA 2004/51-imi tunngavissaritit ilanngunneqarnissaat sapinngisamik suleqatigiissitamit qulakkeerniarneqassasut.

Suleqatigiissitamut suliaqartussanik allangortinneqarnissaa Inatsisartut ukiakkut 2005-imi ataatsimiinnermi aalajangiupput. Aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut pillugit Inatsisartut paasitinneqartarnissaannut tunngasunut ajornartorsiutit sukkanerusumik suliarineqartarnissaat suleqatigiissitamit salliutinneqassasut suliaqartussanik allangortinneqarsimasumi ilaatinneqarpoq.

Taamaalilluni tassunga naapertuuttumik suleqatigiissitap upernaakkut 2006-imi ataatsimiinnermi inatsisissatut siunnersuut siullermeerneqartoq suliaqartussanik.

2. Siunnersuutit pingaarnertut imarisai:

Kukkunersuinermit Ataatsimiititaliap suliaasa pisinnaatitaaffiisalu annertusineqarnissaat siunnersuutit nassataraa. Taamaalilluni

Namminersornerullutik Oqartussat aktie-nik piginnittutut soqutigisaannik Naalackersuisut ingerlassinerata nakkutigineqarnera Kukkunersuiunermut Ataatsimiititaliap aamma suliaassarilissavaa.

Kukkunersuiunermut Ataatsimiititaliaq periarfissaqalissaaq - nakkutilliinermut tassunga ilanngullugu – aktieselskabit Namminersornerullutik Oqartussanit tamakkiisumik ilaannakuusumilluunniit pigineqartut ingerlanneqarneranni aningaasaqarnikkut mianerisassat, qanoq annertutigisumik Naalackersuisunit naammaginartumik qulakkeerniarneqarsimanersut nalilersuisinnaangussalluni. Naliliineq ingerlatsinermik kukkunersuiunertut isikkoqarpoq, ingerlatseqatigiiffiilli ingerlanneqarnerannut toqqaannartumik sammitinneqarani Naalackersuisulli ingerlatseqatigiiffiit ingerlatsinerini (aktie-tililittut) nakkutilliinerannut sammitinneqarluni.

Namminersornerullutik Oqartussat aktietilittut soqutigisaasa Naalackersuisunit isumagineqarnerannut Kukkunersuiunermut Ataatsimiititaliap nakkutilliineranut atugassatut, Kukkunersuiunermut ataatsimiititaliaq aktieselskabit (tamakkiisumik ilaannakortumilluunniit pigineqartut) pillugit paasissutissanik aalajangersimasunik pissarsinissamik Naalackersuisunut peqqusisinnaalersinneqarpoq. Paasissutissanik kissaatigineqartunik aktieselskabit nammineerlutik tunniussiumanngippata, aktieselskabit pillugit inatsimmi imaluunniit ingerlatsiviup malittarisassaani tungavilerneqartumik periarfissat matumani atorneqarsinnaasut atorlugit aktieselskabit misilillugu pinngitsaalinarneqarnissaannik Kukkunersuiunermut Ataatsimiititaliap Naalackersuisut peqqusinnaavai. Namminersornerullutik Oqartussat aktietilittut aalajangiisuusumik sunniuteqarnerannut tamanna Naalackersuisunit piviusunngortissinnaanersoq apeqqutaavoq. Aktieselskabini Namminersornerullutik Oqartussat kisimiillutik aktie-teqarfigisaanni Naalackersuisut tunngaviusumik paasissutissanik killeqanngitsumik pissarsisinnaapput. Illuatugaatigulli aktieselskabinit Namminersornerullutik Oqartussat ilaannakuusumik piginneqataaffigineqartunit atortussanik paasissutissanillu pissarsiniarsinnaaneq Naalackersuisut tamatigut naammassisarsinnaanngilaat. Tamanna piginneqataasut allat soqutigisaannut akaarinninnermik tunngaveqarpoq.

Taakku paasissutissat Naalackersuisunit aaneqarsinnaasut Ataatsimiititaliamut ingerlaannaq ingerlateqqinneqassapput.

Ikinnerussutillit illersorneqarnissaanik siunnersuut imaqarpoq.

Aktieselskabini Namminersornerullutik Oqartussanit pigineqartunik Naalackersuisut nakkutiginninnerat pillugu ingerlatsinermik kukkunersuiunissaaq Kukkunersuiunermut Ataatsimiititaliami amerlanerussuteqarfigineqanngippat, ataatsimiititaliami ilaasortaq ataaseq ingerlatsinermik kukkunersuiunissamik kissaatigaruni, inatsisartunut tamarmiusunut siunnersuummik saqqummiussisinnaavoq. Inatsisartuni ilaasortat ikinnerpaamik 2/5-iisa (tassa inatsisartuni ilaasortat 13-init) isumaqatigippassuk siunnersuut akuersissutigineqartutut isigineqassaaq.

Periarfissamutaaq tunngatillugu, aktieselskabinit Namminersornerullutik Oqartussanit pigineqartunit paasissutissanik Naalakkersuisut pissarsiniaqquneqarsinnaanerannik periarfissaqartoqarpoq. Paasissutissanik pissarsinissamik Naalakkersuisut peqquneqarnissaannut Kukkunersiuinermut Ataatsimiititaliami amerlanerussuteqartoqanngippat, ataatsimiititaliamut ilaasortaq ataaseq inatsisartunut tamarmiusunut siunnersuummik saqqummiussisinnaavoq. Inatsisartuni ilaasortat ikinnerpaamik 2/5-iisa sumaqatigippaasuk siunnersuut akuersissutigineqartutut isigineqassaaq.

Aktieselskabinit Namminersornerullutik Oqartussanit pigineqartunut tunngatillugu paasissutissat pissarsiarinissaat pineqartillugu, ikinnerussuteqartut illersorneqarsinnaanerata atuuttoq eqqarsaatigalugu siunnersuummi ikinnerussuteqartunik illersuisinnaaneq ajorneruvoq. Kukkunersiuinermut Ataatsimiititaliap Landskarsip naatsorsuutaanik misissuataarinninnermini, Kukkunersiuinermut Ataatsimiititaliami ilaasortaq ataaseq malittarisassat ullumikkut atuuttut malillugit paasissutissanik atortussanillu pissarsiniartoqarnissaanik piumasaqarnissamut periarfissaqarpoq – aamma paasissutissanik pineqartunik aallertoqarnissaa pisariaqanngitsoq ataatsimiititaliami amerlanerussuteqartut isumaqaraluarpataluunniit. Aktieselskabinit pillugit paasissutissat pineqarpata pisinnaatitaaffik taanna ilaasortanut ataasiakkaanut atuutinngilaq.

Niuernermi periutsitsini paasissutissat isertuussat unammillertinut anngukkaagata aktieselskabinit akornusisinnaapput. Taamaammat siunnersuut aalajangersakkamik imaattumik aamma imaqarpoq: Kukkunersiuinermut ataatsimiititaliami ilaasortat (kiisalu allatsi oqalutsilu il.il.) paasissutissanik ataatsimiititaliamut isertuurtumik tunniunneqarsimasunik isertuussinissamut pisussaataapput. Namminersornerullutik Oqartussat aktietilittut soqutigisaannut pissutsinut tunngasut pillugit Inatsisartut paasitinneqartariaqartoq Ataatsimiititaliap isumaqarpat tamanna isumaliutissiissusiornikkut ingerlanneqassaaq, isumaliutissiissullu paasissutissanik isertuussassanik imaqarpat Inatsisartunit taanna matoqqasumik suliarineqassaaq.

Aktieselskabimut Namminersornerullutik Oqartussanit tamakkiisumik ilaannakuusumilluunniit pigineqartumut Namminersornerullutik Oqartussat aningaasaliissuteqassatillugit kiisalu sulianut assigusunut qularnaveeqqusiinissanut suliassani ataatsimiititaliap isummerfigisassaanni suliassani Ataatsimiititaliap isummerfigisassaanni Aningaasaqarnermut Ataatsimiititaliap paasitinneqarsinnaatitaanerannik siunnersuut aalajangersakkamik imaqarpoq.

Aalajangersagarli Aningaasaqarnermut Ataatsimiititaliap pisinnatitaaffiisa pioreersut annertusinerannik kinguneqassanngilaq, kisiannili tamakku ersarissarniarlugit taamaalilluni aningaasaliissutinut qularnaveeqqusiinernullu attuumasutilinnut Inatsisartutigut nakkutiginninnerup imminermi nukittorsarneqaataassallutik.

Aktieselskabinit Namminersornerullutik Oqartussanit pigineqartut (tamakkiisumik ilaannakuusumilluunniit) pillugit paasissutissanik aalajangersimasunik ujarlernissamut Naalakkersuisunut peqqusisinnaasutut aalajangersagaq Aningaasaqarnermut Ataatsimiititaliap pisussaaffiliivoq. Paasissutissanik kissaatigineqartunik aktieselskabinit nammineerlutik tunniussiumanngippata,

Aningaasaqarnermut Ataatsimiititaliap Naalakkersuisut peqqusinnaavai, aktieselskabit pillugit inatsimmi imaluunniit ingerlatsiviup malittarisassaani tunngavissaqarpata aktieselskabinut pinngitsaaliilluni periarfissaritit atorneqarnissaat. Tamanna Aningaasaqarnermut ataatsimiititaliap isummerfigisassaanni aktieselskabimut pineqartumut Namminersornerullutik Oqartussat aningaasaliissuteqassatillugit kiisalu sulianut takkununga assigusunut qularnaveeqqusiisussaataillugit, suliassanut eqqaaneqarsimasunut taamaallaat atuuppoq.

Taakku paasissutissat Naalakkersuisunit pissarsiarineqarsimasut Aningaasaqarnermut Ataatsimiititaliamut ingerlaannaq ingerlateqqinneqassapput.

Aningaasaqarnermut Ataatsimiititaliap ataatsimiititaliami suliarinninneq unitsinnaaga paasissutissat kissatigineqartut saqqummiunneqarserlugit aalajangersakkami ilanngullugu naqissuserneqarpoq. Tamannali nutaarsiassaannigilaq - periarfissaq ataatsimiititaliamit pigineqareemat. Periarfissarli inatsimmi ersarissumik tunngavissaqarpata, aalajangiussinissamut tunngavissanik naammangitsunik tunngaveqartumik sukkaasumik aalajangiussisussaataillugu Aningaasaqarnermut Ataatsimiititaliap tatineqarsinnaanera annikinnerulissaaq.

Naggataagut Aktieselskabit Namminersornerullutik Oqartussanit pigineqartut pillugit ataatsimiititaliamit pissarsiarineqartut, paasissutissat tunniunneqartut isertuussasaatillugit, Aningaasaqarnermut ataatsimiititaliami ilaasortat (allatsi aamma oqalutsi il.il.) isertuussisussaataammata aalajangersagaq pisussaaffiliivoq.

3. Kukkuersuinerumut ataatsimiititaliamit kiisalu Aningaasaqarnermut Atatsimiititaliamit oqaaseqaatit pissarsiarineqarsimasut.

Kukkuersuinerumut Ataatsimiititaliamit kiisalu Aningaasaqarnermut Ataatsimiititaliamit oqaaseqaatinik Inatsisit Atortinneqarnerannut Ataatsimiititaliap pissarsisimavoq. Ataatsimiititaliat taakku marluk oqaaseqaataat uunga isumaliutissiissummut ilanngussatut ilanngunneqarsimapput.

3.1. Kukkuersuinerumut Ataatsimiititaliap akissuteqaataa:

Siunnersuut maanna ilusimisut iluseqartoq Kukkuersuinerumut Ataatsimiititaliamit taparserneqarpoq.

3.2. Aningaasaqarnermut Ataatsimiititaliap akissuteqaataa:

1) Aktieselskabit Namminersornerullutik Oqartussanit pigineqartut pillugit Inatsisartut paasitinneqarsinnaasariaqarnerat Aningaasaqarnermut Ataatsimiititalimit isumaqatigineqarpoq – tamat oqartussaaqataanerat kisiat eqqarsaatiginagu aammali ingerlatseqatigiiffiit akisussaassusilimmik Naalakkersuisunit ingerlanneqarnerisut nakkutigineqarnissaat qulakkeerniarlugu.

2) Namminersornerullutik Oqartussat ingerlatseqatigiiffimmut pineqartumut aningaasaliissutai imaluunniit ingerlatseqatigiiffimmut qularnaveeqqusiisutai

pillugit, aningaasaliissuteqarnissamik suliassanik sularinninnermut tunngatillugu Aktieselskabit Namminersornerullutik Oqartussanit pigineqartut pillugit Aningaasaqarnermut Ataatsimiititaliap paasissutissanik pissarsisinaanera inatsisissatut siunnersuutikkut (Naalakkersuisut aqutigalugit) periarfissinneqarpoq. Ataatsimiititaliaq taama pisinnaatitaaffeqareersoq pissarsisinaanerlu taanna (allassimanngitsoq) inatsisissatut siunnersuutigineqartumit annertunerusinaanera Aningaasaqarnermut Ataatsimiititaliap akissuteqaammini oqaatigaa. Aalajangersagassatut siunnersuutaasut minnerpaaffittut aalajangersakkatut isigineqartariaqarput, tassa Aningaasaqarnermut Ataatsimiititaliap paasissutissanik pissarsisinaanera tamatigorluinnangajak annertunerusussaammat.

3) Aktieselskabit Namminersornerullutik Oqartussanit pigineqartut pillugit ataatsimiititaliap paasissutissanik pissarsisinnaatitaanera aningaasaliinissanut qularnaveeqqusiinissamilluunniit suliassanut taamaallaat atuuttussatut killilerneqassanngitsoq Aningaasaqarnermut Ataatsimiititaliap oqaatigaa. Namminersornerullutik Oqartussat aktieselskabinut aningaasanik tapiinissamut allanik periarfissarpassuaqareerput – asserssuutigalugu tunisinermi tapiissutit aqutigalugit. Ingerlatseqatigiiffimmuut pineqartumut pissutsinik qulajaanissaq taamaalluni pinngitsoortinneqarsinnaavoq, aningaasat ingerlatseqatigiiffimmuut kissaatigineqartutut nuunneqartussat, ingerlatseqatigiiffimmuut allamut ingerlatinneqarput aningaasaliineq qularnaveequsiinerluunniit atungikkaluarlugit.

4) Paasissutissanik pisariaqartutut isigisaminik pissarsinissami tungaanut (aningaasaliissuteqarnissamik qularnaveeqqusiinissamilluunniit) suliamik ataatsimiititaliap unitsitsisinaanera pillugu aalajangersagaq Aningaasaqarnermut Ataatsimiititaliamit naammgisimaarneqarpoq. Periarfissaq tamanna ataatsimiititaliamut atuuttuarsimavoq, maannakkulli Inatsisartut inatsisaanni allassimalernissaa ataatsimiititaliamit naammagisimaarneqarpoq.

5) Ataatsimiititaliami ilaasortat isertuussassanik allanut tunniussinnginnissaannik qulakkeerinnittussatut inatsisissatut siunnersuummi aalajangersakkat Aningaasaqarnermut Ataatsimiititaliamit naammagisimaarneqarput.

6) Namminersornerullutik Oqartussanit aktieselskabit pigineqartut pillugit Kukkunersuineranut Ataatsimiititaliami/Inatsisartuni ikinnerussuteqartut paasissutissanik pissarsinissamut periarfissaqarnerannik qulakkeerinnittumik inatsisissatut siunnersuut aalajangersakkamik imaqarpoq: Aktieselskabit pillugit paasissutissanik pissarsiniarnissamik ataatsimiititaliami ilaasortap siunnersuutaanut Kukkunersuineranut Ataatsimiititaliami amerlanerussutillit akerliuppata, ataatsimiititaliami ilaasortaq Inatsisartunut tamarmiusunut siunnersuutiminik saqqummiussisinnaavoq. Inatsisartunut ilaasortat 2/5-iilisa (tassa Inatsisartunut ilaasortat 13-it) siunnersuut taperserpassuk siunnersuut akuersissutigineqartutut isigineqassaaq.

Aalajangersagarli taanna taamaallaat Kukkunersuineranut Ataatsimiititaliamut atuutissaaq. Aningaasaqarnermut Ataatsimiititaliamut tunngatillugu tassunga naapertuuttumik aalajangersagaliortoqartariaqartoq Aningaasaqarnermut Ataatsimiititaliaq isumaqarpoq.

7) Inatsisartut Naalackersuisullu pillugit inatsisip tamakkiisumik nutarterneqarnissaa pillugu siunnersuuteqartoqarnissaa suli Inatsisartunit utaqqineqarpoq. Aningaasaqarnermut Ataatsimiititaliap suliassai missingersuusiortarnermi inatsimmi aammattaq malittarisassaqaarmata uunga nutarterineranut atatillugu Inatsisit Atortinneqarnerannut Ataatsimiititaliap eqqumaffigisariaqarai Aningaasaqarnermut Ataatsimiititaliap kaammattuutigissavaa. Aningaasaqarnermut Ataatsimiititaliap pillugu malittarisassat inatsisini assigiinngitsuni arlalinni inissisimanerat Aningaasaqarnermut Ataatsimiititaliap tamanna pissusisamisunngitsutut isigaa.

4. Inatsisit Atortinneqarnerannut Ataatsimiititaliap isumaliutersuutai inassuteqataalu:

Kukkunersuineranut Ataatsimiititaliap oqartussaassuseqarnerata annertusarniarneqarneranut atatillugu Inatsisit Atortinneqarnerannut Ataatsimiititaliamit oqatigineqassaaq inatsisissatut siunnersuutip maanna saqqummiunneqartup ilusilerneqarnerani inatsisissatut siunnersuut Kukkunersuineranut Ataatsimiititaliamit ukiaanerani 2004-imi ataatsimiinnermi saqqummiunneqartoq annertuumik toqqammavigineqarmat. Siunnersuutip sapinngisamik amerlanerpaanit tapersorneqarnissaanik kissaateqarneq aallaavigalugu tusarniaanerani akissuteqaatit tiguneqarsimasut sapinngisamik annertunerpaamik ilannguniarneqarsimasut inatsimmi nassuiaatini takuneqarsinnaavoq. Siunnersuut maanna ilusimisut iluseqartoq Kukkunersuineranut Ataatsimiititaliamit taparserneqarpoq.

Aktieselskabit Namminersornerulutik oqartussanit tamakkiisumik ilaannakuusumilluunniit pigineqartut pillugit Aningaasaqarnermut Ataatsimiititaliap paasitinneqarsinnaatitaanera pillugu siunnersuummi aalajangersakkanut tunngatillugu siunnersuutip immikkoortuini marlunni Aningaasaqarnermut Ataatsimiititaliap allannguinnissamik kissaateqartoq Inatsisit Atortinneqarnerannut Ataatsimiititaliap paasivaa:

Aktieselskabit Namminersornerullutik Oqartussanit pigineqartut pillugit ataatsimiititaliap paasissutissanik pissarsinnaatitaanera aningaasaliinissanut qularnaveeqqusiinissamilluunniit suliassanut taamaallaat atuuttussatut killilerneqassanngitsoq Aningaasaqarnermut Ataatsimiititaliap oqaatigaa. Aningaasaqarnikkut iluaqutissiinnaasut allat, aktieselsakabit Namminersornerullutik Oqartussanit tamakkiisumik ilaannakuusumilluunniit pigineqartut aningaasaqarnerannut annertuumik pingaaruteqarsinnaasut pillugit aningaasaliissuteqarnissamik qinnuteqaatit suliassat ilanngullugit paasitinneqarsinnaatitaanerup annertusineqarnissaa Aningaasaqarnermut Ataatsimiititaliamit kissaatigineqarpoq.

Inatsisit Atortinneqarnerannut Ataatsimiititaliap isumaqatigiittup tamanna tusaatissatut tiguvaat taassungalu naapertuuttumik allannguutissatut siunnersuummik Naalackersuisut saqqummiussinissaat kaammatussallugu.

Tamatuma saniatigut ikinnerussutillit illersorneqarnerat inatsisissatut siunnersuummi Kukkunersuineranut Ataatsimiititaliamut aalajangersarneqartup assinga Aningaasaqarnermut Ataatsimiititaliamit kissaatigineqarpoq.

Inatsisit Atortinneqarnerannut Ataatsimiititaliami amerlanerussuteqartut Siumumeersut, Inuit Ataqatigiinneersut kiisalu Atassummeersut
Aningaasaqarnermut Ataatsimiititaliap kissaataata taassuma akuersarneqarnissaanut naammattumik tunngavissaqanngitsoq isumaqarput. Ukiup ilarujussuani Inatsisartut ataatsimiinneq ajorput. Ikinnerussuteqartut illersorneqarnissaannik siunnersuutigineqartoq aamma Aningaasaqarnermut Ataatsimiititaliamut atuutissappat aningaasaliissuteqarnissamik suliassat Inatsisartut ataatsimiinnissaannut tullermut siullermut kinguneqarluniluunniit (tamannalu pissusissamisooruunaviannngilaq ingerlatseqatigiiffik pineqartoq aningaasaliissutinik tassanngaannaq pisariaqartitsilissagaluarpat) Inatsisartulluunniit immikkut ataatsimiigiaqquneqarsinnaanerata peratarsinnaavoq tamannalu aningaasartuuteqarnerulernermik kinguneqartussaavoq.

Inatsisit Atortinneqarnerannut Ataatsimiititaliami ikinnerussuteqartup Demokraatineersup Aningaasaqarnermut Ataatsimiititaliap kissaataa tusaatissatut tiguua tassungalu naapertuuttumik allanngutissatut siunnersuummik Naalakkersuisut saqqummiussaqarnissaat kaammattuutigalugu. Aktieselskabinut Namminersornerullutik Oqartussanit pigineqartunut aningaasanik nuussinissaq pillugu Aningaasaqarnermut Ataatsimiititaliap aningaasaliissutisssanik sularinninnerminni atugassanik Naalakkersuisut pisinnaanerat naapertorlugu Naalakkersuisut paasissutissanik pissarsiniaqqullugit Inatsisartuni ilaasortat ikinnerussuteqartut 2/5-iisa peqqusisinaanissaat pillugu kissaateqarneq Aningaasaqarnermut Ataatsimiititaliap isumaqatigiittup saqqummiussimavaa.

Aktieselskabinut Namminersornerullutik Oqartussanit pigineqartunut aningaasanik nuussiniarnermik il.il suliassat pillugit Aningaasaqarnermut Ataatsimiititaliap nalilersuineranut pissutsit sunniuteqarsinnaasut qulaajanngitsoornissaannut partiit naalakkersuisuutitaqartut sinniisaasa Aningaasaqarnermut Ataatsimiititaliami amerlanerussutillit amerlanerussuteqarnertik atorsinnaassappassuk pitsaasuunaviannngilaq. Tamat oqartussaaqataaneranni isiginninneq kisiat aalaavigiinnarnagu aammali inuiaqatigiit aningaasaqarnerat annertuumik eqqarsaatigalugu. Inatsisartut Naalakkersuisullu pillugit Inatsisartut inatsisaat matumani eqqarssaatigineqartariaqartoq Demokraatit isumaqarput.

Inatsisit Atortinneqarnerannut Ataatsimiititaliami amerlanerussutillit Siumumeersut, Inuit Ataqatigiinneersut kiisalu Atassummeersut ataatsimiititaliamit isumaqatigiittumit allannguutissatut siunnersuutigineqartut ilanngullugit siunnersuut akuersissutigineqassasoq inassutigaa.

Inatsisit Atortinneqarnerannut Ataatsimiititaliami ikinnerussuteqartup Demokraatineersup ataatsimiititaliami ikinnerussuteqartup allannguutissatut siunnersuutai ataatsimiititaliallu isumaqatigiittup allannguutissatut siunnersuutai tunngavigalugit siunnersuut akuersissutigineqassasoq inassutigaa

Olga P. Berthelsen
Siulittaasoq

Vittus Mikaelson

Agnethe Davidsen

Lene Knüppel

Godmand Rasmussen

[Ilanngussaq 1](#) (pdf-format)

[Ilanngussaq 2](#) (pdf-format)